

## آبونه شرائطی

ممالك عثمانیه ده سنه لکی (۶۵) ، التي  
آیلغی (۳۵) غروشدرد .  
ممالك اجنبیه ده سنه لکی (۱۷) ، التي  
آیلغی (۹) فراتقدر .

## اداره خانه

باب عالی جاده سنده دائره مخصوصه

## اخطارات

آبونه بدلی پشیندر .

§

مسلكه موافق آثار مع المحتویه قبول  
اولنور . درج ایدیلیمه یازیلر  
اعاده اولوغاز .

# الکشاف

۱۳۳۰ ۱۳۳۱

دینی، علمی، ادبی، سیاسی هفته لق مجموعه اسلامییه در

والله یهدی من یشاء الی صراط مستقیم

اتبعون اهدکم سبیل الرشاد

## اخطارات

رساله مزدن آلدیغی کورتمک شرطیله  
بتون یازیلر هر هانکی رغزته طرفندن  
اقتباس اولونه بیاید .

§

مکتوبلرک ، امضالرک واضح و  
اوقوناقلی اولسی و آبونه صره  
نومروسی محتوی بولونسی لازمدرد .

§

ممالك اجنبیه ایچون آبونه اولانلرک  
آدرسارینک فرانسز ده یازلسی  
رجا اولنور .

§

پاره کوندرلدیکی زمان تهیه دائر اولدیغنک  
واضحاً بیلدیلمسی رجا اولنور .

## علمای کرامتک دولتخانه لرنند استراحتلری

ایله

### ملت مهرباننده قورنولر

اسلامیتک تکامل وتعالیسنه خدمت ایدن «سبیل الرشاد» کبی بر مجموعه دینییه بی مع التأسف بوراده مطالعه ایدن پک آز بولنیور . بورا اهالیسی بیلیم که نه دن هب اویقوده یز . اعلان حربدن بری ملت اسلامییه بی تنویره چالیشانلر پک آز . بوراچه علم وفضیلتلری مسلم اولان مدرسین کرامدن یالکز حاجی سلیمان افندی واسماعیل افندی نامنده ایکی ذات محترم جمعه کونلری جامعلرده وعظ ونصیحت ایدیورلر وتهذیب اخلاق ایچون جدا چالیشیورلر . دیگر علما ایسه مع التأسف هب سکوت ایدیورلر . جوامعک جمله سنده برر واعظ بولنسه هرکوندن صرفنظر جمعه کونلری برر ساعت بالعموم جوامعده وعظ ونصیحت ایتسه لر وبوده برعادت حکمنی الهه فنامی اولور ؟ بواکی ذانک نصایحی ده برقولاغیزدن کیروب دیگر قولاغیزدن چیقور . استفاده ایدنلرمن پک اندر . مثلاً : حال حربده یز ، الله یالوارلم ، توبه واستغفار ایدلم ، عسکرلرمنک موقیتلری ایچون دعا ایدلم دیه بار بار باغیریورلرده ؛ هیچ بریز دیکلمیور . جامعدن چیقنجه هان قهوه لره قوشیور ، لمیاتدن وسائردهن واز کچمیورز . الله بزه عقل وانصاف ویرسون . برولایت اهالیسی بویله ییارسه ق بشقه یرلرده نه لر یامازلر . مع مافیة عرض ایتدیکم وجهله بالعموم جوامعده علماضر وعظ ونصیحت ایدر وبوده جمعلری عادت حکمنه کیررسه سفاهت لک یوزده سکمان درجه ده اوکی التمش اولور فکرندیم .

سبیل الرشاده اعلان ایدیلان سیاح شهر عبدالرشید ابراهیم افندی حضرتلرینک عالم اسلام نامنده کی اثرینی اوقودم . عالم اسلامک ، هله چین داخنده کی مسلمانلرک احواله اودرجه متأثر اولدم که شوتأثری قلمم تعریفدن عاجزدر . شوتأثره برده وطنک احوال مؤسسه سی انضمام ایدنجه انسانک چیلدیره جفی کلیور . بزم یعنی اناطولی اسلاملرینک اکثریتی کویلیلرمن تشکیل ایتدیکی کبی بواکثریتک احوالی ده چین اسلاملرینک احوالک عیندر ، علوم دینییه دن کلیاً بی بهره . اگر برایستانتستیق طوتلسی ایجاب ایتسه جهالت یوزده طقان طقوزی بولور . ایشه شو جهالتک ازاله سنی یالکز حکومتزدن بکله یوز ، هرشیی حکومتدن بکله مک برطیعت حکمنی التمش . مع مافیة حکومتک معارفه اولان خدمتی ده جهالتن اثری اوله رق بکنمیور ، تنقید ایدیورز . مثلاً : حکومت بوراده دارالمعلمین ، صنایع ، زراعت مکتبلری کشاداستدی . اهالیزدن هانکیسنه صورارسه کز بومکتبلرک لزوم سز اولدیغنی ، حکومتک بیپوده مصرف ایتکده بولندیغنی سولیکدن چکنمزلر . بزعم ومعرفتک تکامل ایتدیکی شو زمانده عجا نه وقت عقلمزی باشمزه آلوده جهالتن ازاله ایده جکز ؟ عجا نه وقت ژاپونلر کبی ملت مکتبلری یاپه رق اولاد وطنی تعلیم وتربیه ایده جکز . بوخصوصه علماضرک برقسیمی حتی اکثریتی عنده مسئولدر . علماء کرام کویلمرضی ، قصبه لرمزی طو- لاشسه لر ، کویلیلرمنی ایقاپ ایتسه لر ، هرکویده هیچ اولمزه ایکی کویده برملت مکتبی ایچون اهالی بی تشویق ایتسه لر وحکومتدن یالکز معلمی ایتسه لر ممکن دکلیدر ؟ اوت نجه ممکندر . علمک سعادت ، جهالتک فلاکتی تولید ایده جکنی آکلایان برکویلی البته جوجفک تعلیم وتربیه سی ایچون هر فدا کارلنی اجرا ایده جکدر . وجوجنی اولمیان برکویلی ملت مکتبلرینه اعانه ده بولنلرک دارینده نه کبی مکافاته نائل اوله جفنی آکلارسه البت بر فدا کارلده بولنور . [مثلاً یوز الی خانه لی برکویلیک مطلقاً یوز فقیر جوجنی بولنور . هر جوجی ایچون سنوی حرمن بر لیرا نقد ویا اوکا مقابل حنطه ویرلمسی لازمکسه سنه ده یوز لیرا مکتب اعانه سی طویلانه ییایورکه او مکتبک بری بشیور ودیگری اوچیوز غروش معاشله ایکی معلمک مصارفنی تأمین ایدر ] ایشه هر قریه ده ویاخود ایکی قریه ده بر بویله ملت مکتبلری کشاد ایتک وحکومته ده بز وارداتی تأمین ایدیورز ، سزده ایکی معلم کوندلرک ،

دیمک ممکندر . فقط بونی دائرة امکانه کتیرمک ایچون علمای کرام ده غیرت ، فعالیت ایستر . علمای کرامک دولتخانه لرنده استراحت ایتلریله ملت جهالتدن قورتیله من . حکومته بونون اوقاتی معارفه حصر ایده من .

صوریورم : عجا بزم حالز نه اوله جق ؟ انصاف ایدلسه ده [قوجه روم ایل الدن کیتدی ] اناطولی اهالیسی جهالتدن قورتارلسه . غریب بروقه عرض ایدیم : بوراده اتحاد قلوبنک کشادی صره سنده برده اتحاد مکتبی آچیلمش ومعلم مصرفی قلوبک اعضاسی طرفندن تأمین ایدلش ایدی . مکتب اوچ سنه قدر دوام ایتدیکی حالده حکومت سابقه زمانده قلوبلر قپانجه زوالی مکتب ده قپانیدی . چونکه مصارفنی تأمین ایدن اولدی . قلوب قپانیدی وفقط ارباب هیتک کیسه سی ده قپانالی ایدی ؟ جمعیه داخل اولق بر جرم ایسه مکتبه اعانه ویرمکده ی بر جرم ایدی ؟ اگر بوراده کی علما بر آز غیرت وارباب هیته مراجعت ایتسه لر دی شو مکتب قپانز وزوالی اولاد وطن ده تحصیل علمدن محروم قالمزدی .

ایشته بر مجموعه دینییه صاحب ومدیری اولق اوزره ذات فاضلانه لرینه مراجعت وبالعموم علمای کرامه خطاب ایدیورم :

ای علمای کرام ! ملت ایقاپ ایدک . ملتک جهالت وعطالتی ازاله ایچون بر جمعیت تشکیل ایدک . ایچکزدن انتخاب ایده جککز واعظ وناصحلری ( مصارفنی جمعیت ویرمک شرطیله ) کویلمر ، قصبه لره کوندره رک ملتیزی جهالتدن قورتارک . ملت مکتبلری تأسیس ایچون اهالی بی تشویق وترغیب ایدک . تشکیل ایده جککز جمعیت خیریه یه نقداً معاونت وفدا کارلده بولنه جق ارباب هیت بولنور .

ای علمای دین ! هر درلو مشکلاته کوکس کره رک سیاحت ایدک ، اناطولینک اک هجری کوشه لرینه قدر کیدک ، یالکز حکومتیه ، معارف نظارتیه کوزلرکزی دیکمه پک . اوللری وظیفه لرینه براقک . سزک بوصورتله ییاجفکز فدا کارلک البته مکافاتی کوررسکز ، اسسلیرکز تاریخ اسلام صحیفه لرنده آلتون یازیلرله تزیین اولنور . اگر ملتیز جاهل قالمسه ایدی ویاخود شمیدی یه قدر جهالتک یوزده آلتمش ازاله ایدلش اولسه ایدی ، قطعات اجنبیه ده کی ، علی الخصوص چینده کی اسلام قارده شلرمن ایچون ینه سزه قارشنی فریاد وآنلر ایچون سزدن استمداد ایده جکدم . نه چاره که بز جاهلر .

ای مدیر محترم ! شو معروضاتی علمایه اسماع ایتدیرر وبر جمعیت خیریه تأسیسنه موفق اولورسه کز ملتک جهالتی دوشوندکجه قان آغلیان بنم کبی یچاره لری پک مسرور ایتش اولورسکز . آفره : برکنج مسلمان

## حیات اقوام اسلامیه

### دنیا ده نه قادر اسلام وار ؟

۲۳۷ نومرولو و ۱۴ مارت ۳۳۹ تاریخی محترم سبیل الرشاده تصویر افکاردن واونک طرفندن ده برالمان رساله سندن منقول ( دنیا ده نه قادر اسلام وار ) عنوانی شایان دقت بر بند واردی . بو بندی هرکس کی بن ده کمال اهمیته اوقودم .

مذکور مقاله دنیا ده کی اهل اسلامک عمومی ، مجموعی ایکی یوز یتش طقوز میلیون اوله رق کوستریلیور . یک نظرده بوخطانک نه قادر بالضروره اختیار ایدلش کذب لره مالی اولدیغنی کوریا ییر . بالعموم اهل اسلامک نفوسی هر حالده بو مقداردن پک فضلدر .

۱۳۱۲ سنه سنده پارسده انتشار ایدن ره وو دو لیسسلام عنوانی